

Aqha Lono Kungumi Tsapeqo



Akumzapu Kuchouqo
Kiphi Kichekutsu

16



Kungumiqo

ye kuchou no acheni. Khaniloye panongu vilo Cherubim eno Seraphim ipi kucheni.


Panonguno akughushushu kumla shikeu ghili Baibel lo kutomo tsupuanani. Panonguno Alhou timiqo sushotsu eno tuchomujo tsu acheni. Khaniloye panonguno alhokusamiqo ghimevekeu ghi shicheni. Panongu kumla akhoto eno akijey ye tungkuputsaqo pesu wo timi vilo pitsucheni, eno hepho piyetsukeu shicheni. Alhou no Pa ghinimi hipaqo vechewono thime akhoto tsape pesu wo ayeghi lo mughachhoi kemi timi shikumuzutsu chekeu ghili noye ithi anima? Piyekusu 14 lo, Alhou no Pa ghinimi hipaqo pelo atsape ashekha pesu ayeghi lo kughuna kuamiqo lau tsu anipe. Kungumi kuthu no tsu akeu tsape ashekha shikupu khamphi kutolo Jisu ye ide ighimonani. Kichepiyesu akeu kipihi (8) lono kungumi kuthu tsape ghili philunani.

1

Ningu ye kushiye Piyekusu phi achenikea? hipauye amichipu (seal) pesu chishidavekeu eno khavekeu kaku ke kumokeshea?

Khokichile: Hile Piyekusu kaku phikeu lo akiqi tsugho ani.

- A. Kaku hipau ye khilemu kuhavekeu kaku kumo (Piyekusu 22:10)** Ado kushua lono Khristo ngo Satan pama dolo kupuna ighi akeu, eno ashekha tsalaqo lo Satan muqusuqeqo ghili Piyekusu kaku lono pephepiye puatsu ani. Khiunoqono azuuno Satan pishiqiqhi muqusuqeqo ghili ithibeiveakeno paye timi tipaqo mlalei pishiqhilumonani. Tighenguno Satan no timiqo vilo Piyekusu kaku ye khavekeu ke khilemu phikevilopi timiqo pishiqhi acheni.
- B. Kaku hipau jeh "Piyekusu (Revelation)" ipikeuye "Ihaphewe qhivekeu."** Tipau bidelauno pinikeuye "Khavekeu kaku" (sealed book) amichipu chishichekeu (seal) pesu chishidape qhivekeu. Tipau kiqu ye khiunomu hipau Ihaphemla ipikeu michi. Ikemu piyesevekeu kaku hipauye alhokuthu lo timi kumtsu lau Ihaphewe qhipuatsukeu kethono piyesevekeu kaku kumoke.
- C. Piyekusu (Revelation) kaku hipau ye Jisu Khristo w kaku pakutakeu lakhike.** Kaku hipau lo "Jisu Khristo ghili Piyekusu" ipikeu tsa lono huthu ani (Piyekusu 1:1). Hipau lo atsa (word)
- lakhi lono Pa jutho (picture) Piyekusu puatsu ani (Piyekusu 1:13-16). Piyekusu kaku lo toi kaku kutau kiulonomu Jisu ghili, eno Pano ashekha tsalaqo lo ghili kiche piyetsukeu, eno Pano Pa wu timiqo ghenguno pughu puatsukeu ghili tsupuamo.
- D. Piyekusu kaku ye ishi ningu tsala,** Jisu ide ighinike zulo xu aghikemiqo lau piyesepe qhitsukeu kaku lakhi ke (Piyekusu 1:3; 3:11; 22:6, 7, 12, 20).
- E. Piyekusu kaku phi eno tipau lo kukutsuqo** ikhilo eno papekemiqo shou akhoto kukumugha betsunikeu piqhi puani (Piyekusu 1:3; 22:7).
- F. Piyekusu kaku lono ashekha ghulokilo Alhou w timiqo (Pa kukuhou) ghili pipuani.** Kughou Piyekusu kaku lono ashekha tsalaqo ghili pipuakeu shikupavenikeu ithulukeno tile Baibel ye kuchouno akuxupu tsuchekeu ghili yehpuatsu anikena ipi nono ithinani. Hipau lono Alhou timiqo no ashekha tsalaqolo ghili kutsuchekeu ithulunani (Piyekusu 14:6, 7). Kaku hipau lono nono hipaqo ghili kishekulu chilunani.



Hi ithilo: Nono akiphi kutau phiwomphi zuuno **Piyekusu 14:6-14** lo phiju paghilo.

2

Alhou no Pa kukuhou shou atsakiviu hipau pesu lhoux kumtsu lau piulopi bemakho bepuani (Mark 16:15). Paye

Piyekusu lo akimithe kumla hipau pesu kiu kimighitsu kea?

“Kungumino kungugha mtalo yecheghikeu lno ithulu, ashekha kuhakeu tsakiviu pesu kutsunike ghenguno ... eno kungumi kutau no pa pape eno pi, ... eno kungumi akuthuuno panongu pape eno pi ... (Piyekusu 14:6, 8, 9).

Khokichile: Kungumi (angel) ipi akeuye atho tsa lono pebidenikeloje “atsapemi” ipinani. Tihenguno Alhou no kithikulushi atsakiviu (gospel) tsape kuthu pesu kungumi kuthu wu lo sutsu puzu ashekha tsalaqolo timiqo lau pikulhatsu penike puu puani. Alhou no kungumi kuthu pesu kimighipe ningu piyeseukeuye thosu lo shi ipeghichemokeu kuka huno atsape hipau sasus cheunanike ipkeu kiji ke.



3

Piyekusu 14:6 lo akiqi akhoto kini ashekha tsalaqo lo atsape tsuakeuye kiukea?

“Ino kungumi kungugha mtalo yecheghikeu ithulu, ashekha kuhakeu tsakiviu pesu ayeghi shou kughuna kuami shiyeh jeli, eno timi jeli kumtsu lau kutsupiyenike ghenguno” (Piyekusu 14:6).

Khokichile: Akiqi akhoto kini ye (1) Ashekha kuhakeu Tsakiviu (2) pesu ayeghi lo timi kumtsu lau kutsu piyeseunike. Kungumi kuthu tsape lo atsakiviu pesu timiqo lau tsu akeuye puluaye xalunani- Jisu Khristo likhi ikhiLuku lono (**Apostolmi 4:10-12; Johan 14:6**) Hipau vechewo xakulupu laghi kutau ye kuha. Tihenguno tile xakulupu alaghi kutau ani ipi pukhakeuye kuchou kumoke, tiye alhokusau launo ighikeuke.

Satan w lakichile

Satan lakichile kini akeuye (1) akumla shikeu lono xalunani (2) axine shiamu xalunani. Lakichile hikuma inikujo kungumi kuthu tsape lono khochiletsu ani. Kutomono hipau ghili vethamla puzu akipimi kumla shianamu xalunani kughashi kumsu acheni ... Ikemu tiye tokumlapu nepa ke. Ashekha lo Jisu Khristo tsape (gospel) kupulu lo likhino xalunani.



4

Kungumi atighiu tsape lo akiqi bidi kuzupe anepikeu ye kiu kukea?

“Asutsa kuloghi lakhi lono pi, “Alhou sumsa lo, eno ajukuvu pesu Pa tsu lo, kughengu Pano kughathabenikeu do hu ighi ani; eno kungugha, ayeghi, azughi eno azupuki lhosukeu Lhou mlla lo” (Piyekusu 14:7).



Khokichile:

- A. Alhou sumsa lo.** Ningu ye Alhou sumsamayasake. Kikimiye lono eno akupulu lono Pa shou jupukupe amayesa. Agigihu lono Pano pikeqo shimayesa. Hi shikeu lono ninguye alhokusa launo putosulunanike. “Ampeu sumsakeu lono timi lakhi ye alhokusa launo putosulu cheni” (Aholetsa 16:6). Alokutsuu Solomon ghi hitoi pi, “Alhou sumsa lo eno Pa zahkutsuqo papelo, kughengu hi shinikeuno timi kuxu kupuju lo kumlake” (Yetsapiu 12:13).
- B. Ajukuvu pesu Alhou tsulo.** Kughou Pano ninguno ghenguno akumla kivi shitsukelo ningu ye Pa she, eno shikimithi keu pesu Pa tsumasa. Pano pikeu gholu eno pape aye tino Pa pulou shitsu ani. Ashekha tsalaqo lo timiqo no shikimithikeu pesu Alhou tsumovenani (2 Timothy 3:1, 2).
- C. Pano kughathabenikeu do hu ighi ani.** Hipau lono kiche piyesutsu akeu no, ningu kumtsu Alhou lau pututa kumla kihipe tsunani, eno hipau lono mutsuqhei ningu lau kutughutsu akeuno atsakukugha momu kughathabekeu do tipau ye itehi kugha ani. Hile pekibide (translation) kutomo lono kughathabekeu do hu ighivea ipi puani. (Akiphi kichekutsu 18 eno 19 lono hipau ghili tokhoi ithulunani).
- D. Alhou (Creator) mlla lo.** Alikhi asuqhekeu eno ajalho jeli mlla uve keu huno Alhou mlla niku tuchileve acheni, asheshino pakutoshino Aghau (God) Alhou (Creator) eno Qhuchilekuluu (Redeemer) ipikeu ye alo lo kuhave cheni, kumsumave cheni. Kaku kiyehmi kutomono pano likhi pano suqhekeu tsa yeh cheni, kuputsa akelo kutomono panolikhi pano suqhekeu tsa pi puzu palikhi pa mlla keu lo ilove cheni. Khristo no Pa kupulumiqo pesu Alhou nuliqo shitsuke. Khristo kupulu lo likhino ninguye thokha lo tokhoikeu phulu ani.

Atsakiviu (gospel) kukutsu lo Ampeu Alhou no ayeghiqha pulhosu eno itaghi tipau qhuchilelu keu kukutsu suqha ani. Alhou mlla ipi akeulo, Pano lhosukeu vesulho akutsunini Sabbath ikhipe pakutashi akimitheshi qhitsukeye tsala lono Pa mlla acheni. Piyekusu 14:7 lono, kungugha, ayeghi, azughi eno azupuki mlatsu ipi akeye akutsunini Sabbath suqhetsu anike (Ipekulu 20:11). (Akiphi kichekutsu 7 lo julo) Nikuxu kuhu aghuye Alhou lau no qu ighiakeu phulu ani. Abolho lono Pano Pa julho lono ningu mla puani. Tighenguno khiuno Aghau (God) no Alhou (Creator) ipi Pa mllamokeno panonguno kiu kiutoikeu mlla aghie pinamu panongu kuhu aghu ye khilauno ighi anikeno phulumonani.

Alhou sumsa
chekemiye Pa
huthukeu lono
alokivi phulunani



5

Kungumi akiniu tsape lo Babylon ghili akhoto kiu pitsukea? Eno Piyekusu 18 lo Alhou ye Pa w timiqo vilo kiu shilopikea?

Kungumi akiniuno atighiu papeghi ishipi “ikiqivae, Babilon akijeu huge ikiqivae.” (Piyekusu 14:8) “Hipathiu kungugha launo kungumi kutau lakhi iqi cheghi keu ino ithulu ... Pano asutsa kuloghi lakhi lono ighamuku pi, ‘Ikiqivae! Babilon akijeu huye ikiqivae!’ ... Tileno kungugha lono asutsa kutau lakhi ishi pikeu ino chilu, ‘Iwu timiqo, li launo ipeghivelo,’ nonguye li xineqolo chhosu kevalo.” (Piyekusu 18:1, 2, 4).

Khokichile: “Kungumi kutau lakhino atighiu papeno pi, Babylon hu ikiqivae” eno kungugha lo asutsa lakhi lono Alhou timiqo vilo Babylon qhiveno ipeghivelo, tishiaye nongu ye li gholo imekuqhamo nanike. Babylon ye kiukeno nono tipau ghili mthano tishi tipau gholo ngove aye noghi tipau gholono puhakuqhavenani. Hipau ghili akivishi kumsujulo, noghi itehi Babylon lo aghiluvu. (Akiphi kichekutsu 20 lo phijulo) Tileno Babylon ghili tokhoi kichepuatsu anike.

BABILON YE IKIQIVAI



6

Kungumi akuthuu tsape ye khiu ghili pesu kutughutsu anikea?

“Kungumi akuthuu no panongu pape, eno asutsa kuloghi lakhi lono, “tsutsala khunoala tughashi eno pa julho (image) mlla napiaye , eno pa kische lo momu pa w lo pa michipu ikhiluve aye pa ghi Alhou loghukighide ji shopenani”

(Piyekusu 14:9, 10).

Khokichile: Kungumi akuthuu tsape ye tughashi eno pa julho mlla keu eno panongu kische lo momu pa w lo pa michipu ikhiluvekemiyo lau kutughutsu ani. Kungumi atighiu tsape lono kuchou kumlla ghili kichevetsua, Kungumi akuthuu tsape lono kichileu kumlla visavili lo kiutoi kumsapu anikeno kichetsu ani. Noye tughashi ipi akeu ghili kuchou ithi anima? Pa michipu (mark) ghili ithianima? Nono tipau ghili mthano tishi tipau mlla aye aye no ghi tipau gholono ashekha shivenani. (akiphi kichekutsu 20 eno 21 lono tughashi, pa michipu eno pa julho mlla keu ghili tsupuanike tilehi phijulo).

Tughashi michipu

7

Piyekusu 14:12 lo, Alhou no Pa wu timi khiunoqo kungumi akuthuu tsape ikhiluvekemiqo lau kiu shivenanikeno tipau ghi akiqi bidi lono hepho piyesutsu akeuye kiukea?

“Hile akimithemiqo kutuukulu ani, hile Alhou zahkutsu papechekemi eno Jisu kupulu pechekemi ani”

(Piyekusu 14:12).



Khokichile:

- A. Panonguye kutuukulu ani.** Akumtoshi puthugholu eno ashekha kutolo pulukibe shilu. Alhou timiqo no kutuulukeu lono, kikimiye kumla shikeu lono, eno pano kuxu lo akimitheshieno pulukibe shilukeu lono kutami lau Pa ghili pephe piyesutsuluke.
- B. Panonguye akimithemiqo, eno puluthomiqo ke.** Panongu ye qhoi pesu Alhou tsuvekemiqoke.
- C. Panongu ye Alhou zahkutsu pape chekemiqoke.** Puluthomi hipaqoye alokivishi Pano ahza tsukeu 10 eno ayezha kutauqo kumtsu papechekemiqoke. Panongu kimiye cheku pulou shitsunikeuno panongu kimiji atighiuke” (1 Johan 3:22). (Akiphi kichekutsu 6 lo ahzakutsu ghili phijulo)
- D. Panongu ye Jisu kupulu pecheni.** Jisu shou pukhube chekemiqo. Panongu ye qhoi Jisu papechekemiqo, qhoi Pa shou pukhube, pulubevekemiqoke.

8

Kungumi akuthuu tsape pesu timi kumtsu lau kutsukuthuve kithishi kiu shivenanikea?

“Tileno lno ju, eno julo, khungkusu kimiye lakhi lno ithulu, eno tipau shou timi Nu toikeu lakhi no iqa ani, Pa kutsu lo shuna kutsukuqho lakhi qhoku ani” (Piyekusu 14:14).

Khokichile: Kungumi akuthuu tsape pesu timi kumtsu lau kutsu tave kithishi Jisu no khungukusu lono ighieno Pa wu timiqo sasu kungugha ki lo wuvenani. Pano pephe ipeghikelo tile Piyekusu 20 lo ampe 1,000 tsupuakeu hu huthuve nani. (Akiphi kichekutsu 8 lo ghi Jisu no ide ighinikeu ghili tsupuanike tilehi ghi julo)



9

2 Pitor 1:12 lo, Apostle Pitor no “kuchou itehi tsu akeu” ipikeu kiquye kiukea?

Khokichile: “Kuchou itehi tsuakeu” (present truth) ipi akeu hipauye ashekha kuhakeu tsakiviu akhotoshi ado aghuloki kiquilono pesu tsu akeu pi anike. Hipaqo lono kichepiyesu ani

A. Noah no atsape tsukeuye azukucho ighinikeu tsape tsu (Bothubo 6 eno 7; 2 Pitor 2:5)

Noah ye amikucho lono kutsu chekemi lakhi Azukucho ighieno timiqo putsuqhiveni cheni ipikeu tsape pesu timiqo lau kutughutsu keu lono Alhou ye timiqo kimiye achenike ipikeu tsape tsu. Azukucho ighini cheni ipikeu tsape huno tipau ghulokilo kuchou itehi itehi tsu akeu tsapeke. Atsape hipau lo atsapa kuloghi lono igha pikeuno “mtazu ashuka lo loluvelo” ipi. Ado aghuloki tipau lo atsape hipau tsumoveni ipikeu ye shimlave, kughengu kutsakungovenikeu do mileluveake ghenguno tsumaye saputsave.

B. Nineveh lau Jona tsape (Jona 3:4).

Jona no itehi tsu akeu tsape pesuno Nineveh lo tsukeuye atsala 40 dolono xaide ighivemo aye kutsaveni ipi Jona no xachilekulu tsape pesu wo Nineveh tsuke. Nineveh ye amulo pebideve. Atsala 40 dolono ipimoke aye xaidemoveniche. Tighenguno hitoikeu tsape pesu itehi tsu akeu tsape ipike. Alaghi pakutakeu lakhi lono ado tipau pekithitsuke.


C. Johan Baptist tsape (Mathi 3:1-3; Luk 1:17)

Johan Baptist no itehi itehi tsukeu tsape ye Jisu-Messiah hu pephe ipeghivea, tipau ghenguno pano timiqo vilo Messiah ghenguno kutoluve penikeu laghi ghetsuke. Jisu no atighiu ayeghi lo ighikeu tsa ikhive aye Johan Baptist no Pa ghili thopi tsu akeu avehu kuhaveniche.

D. Kungumi kuthu tsape (Piyekusu 14:6-14).

Alhou no itehi tsuakeu tsape hipau lo kuchouno Jisu Khristo vechewono xachilekulu suighi akeuno atsape hipau mta (center) shi ani. Tishi aghie pinamu itehi itehi tsu akeu kuchou tsape (present truth) lo kungumi kuthuno kutughutsu akeuye Jisu akiniye ide ighiniye akeu ghenguno timiqo vilo kutolulopilo kutughutsu ani. Timiqo pelo atsala hipau ghenguno kutolupemonike ghenguno Satan no anhethi kighichevetsuno pishiqhiluve akeu ghili ghi pesu kutughutsu ani. Timiqo no atsape hipau ghili vethamlave aye Satan no panongu kughaluve nani eno pesu kutsakungove nani. Ninguno akhoto tsape hipau avehushi akeu Jisu no ithi ani. Tighenguno Pano ningu kimiyeno itehi itehi tsu akeu kuchou tsape hipau pesu ishi ningu lau tsu ani. Akighini shi alo. Ighinikeu kipi kichekutsu tache lono hipau ghili philunanike.

Nono phulukeye hami lo shokhuve aghiluvu, ikemu itaghi koutaquo lo aghaqiqishi philuni aphi. Kuchou hipauno akichiqhikeshi omulo xukhotsuno vethakulu kuka sutsunani Tile noye Jisu no olo lo pisutsu akeu kumsulunani, kughengu hipaqo kumtsu Pa tsape ke.



Noah no itehi itehi tsuakeu tsape ye Azukucho ighiniye akeu tsape ke.

10

Ampeu tsala ighinike zulo itehi tsuakeu kuchou tsape ye khiuno tsunaniepi Baibel lo pipuanikea?

“Julu, Ampeu tsala kije eno kumsapu ighinike zulo lno Elijah tungkupu puutsunani” (Malaki 4:5).

Khokichile: Tungkupu Elijah. Hile Elijah eno pa tsape lo akiqi hami ani. Ningu hi aqhou injukeu hami lo juni

11

Elijah ye Ampeu no pa vilo shilopikeu kumla kiu shikea?

Hi ithilo: **1 Kukamiqo 18:17-40** lo philo

Khokichile: Elijah no timiqo vilo khiu qenikeno kishelu penikeu pitsu (ajo 21). Israel miqo ye qhoi asuatu julho kumlla mi shiukhave. Panongu ye Kuchou Lhou eno Pa zahkutsuqo qhoi pheve. Elijah eno Alhou kumthami tungkupumi 450 wo kumuqolu (ajo 22) Elijah eno baal tungkupumiqo pututa lhou kumlla khache puthunikeu kupughu shive. Akumlla khache tipau shou asu shou amishitsu ghiqhipe benikeu shi. Tishieno pututa lhou vilo pakutoshi ami puutsuno akumlla khache lo akumlla gho bepuakeu pitivetsuno Kuchou Lhou kimichitsulopi khunikeu shi. Tile alhokumthamiqo ghau ye tipau khochiletsu mlave. Ikemu Kuchou Ghau Elijah Lhou likhino ami puutsu puzu Elijah kumlla gho pitivetsu.

Atsape hipau lo kishelunikeu momu Xakuthami lakhi khu ani

Hile shiyeh no qhoi alaizuvono kubangu akeu tuqhudo lo Elijah tsape ighi ani. Akuka (power) hipau ye kungugha launo ighi ani, eno alhoayeh lo panonguno shichekeu kumla lakhavetsu ani, eno shiyeh pelo hipau lo amulo tsupenikeu shi ani. Elijah no timiqo vilo Kuchou Ghau (true God) papenikeo baal papenikeno itehino kisheluve lo ipi ani. Tile timiqo no kumsu thonhei shiju puzu Kuchou Ghau (true God) huthunike kisheluve (ajo 39).


Tughami

Khristo



12

Elijah tsape lo atsape kini kuqhapuani, hipau ye “itehi tsu akeu kuchou tsapeke” Jisu no atighiu ighiniye akeu ghenguno kutoluvepenikeu tsape Elijah no tsukeu toi Jisu atighiu ighivekeu tsape ye khiuno tsuepi Jisu no pikea?



“Tle Johan Baptist nguno akijeu khiumu ipeghimphi ... tsutsala nonguno tipau ikhilunike pulo aghiaye paye Elijah ighinaniepi chekeu huke” (Mathi 11:11, 14).

Khokichile: Johan no timiqo pelo Jisu atighiu ighivekeu ikhilupenike ghenguno kutoluvelopikeu tsape tsukeu hu pesu Jisu no Elijah tsape shivetsu, kughengu Johan no wovekeu lo Elijah tsape tho tsuanike ghenguno. Baibel no Johan Baptist ghili hitoi pi, “Pano ... Elijah ghungu eno kuka lono ... wunani” (Luk 1:17).

Johan Baptist no Elijah tsape pesu pa ghulokilo timiqo tsukeu toi, ishi Piyekusu 14:6-14 lo tsape tsu akemiyo ye Elijah tsape pesu tsu anike.

13

Jisu ideighinike zulo- ningu ghulokilo tungkuputsa tsuide akeu ghili ningu ye kishieno ithinikea?

“Ampeu tsala kije eno kumsapu ighinike zulo ningu lau Elijah tungkupuu puutsunani” (Malaki 4:5). “Khetsunhe no akuvu tsumoveno zumaive nani eno aghi no ahji toi huchuive nani, Ampeu tsala kije eno kumsapu ighinike zulo” (Joyil 2:31).



Khokichile: Joyil 2:31 lo Ampeu tsala kije eno kumsapu ighinike zulo thime kini shi ipeghinikeu tsupuni- atighiuno, Elijah tsape ighinani, akiniuno, kungugha lo akichihikepu michipu ipeghinani. Hipau shikupuve keu ninguno ithulu ani. May 19, 1780 lo khetsunhe zumaive , tipaji aqhino ahji toi huchui ipeghi. **Mathi 24:29** lono itaghi hikuma gholo kutau lakhi sukuphatsu ani, kungugha lono momu atsutsu lono ayepu ighiqikeu. November 13, 1833 lono hipau shikupuvea. Ninguno ithi akeuno Ampeu tsala kije ighinike zulo Elijah tsape ye 1833 zuuno momu tipau thiuno tsuithuvea.

Elijah tsape ye atsutsu lono amichipu tsuveke thiuno tsuithuvea.

Johan Baptist no Elijah tsape tsukeuye Elijah tsape akiniu tsumhpi zuuno tsukeu mutsumishei ani, kughengu atsutsu lo amichipu kijeje shi ipeghikeuye Johan no pa tsape tsukeu ampe 1700 thiuno shi ipeghike ghenguno. **Joyil 2:31** lo tsape ye atsutsu lono amichipu 1833 lono shi ipeghikethiuno huthu, timiqo pelo Jisu akiniu ide ighiniye akeu ghenguno kutolupenike kutughutsu. Kungumi kuthu tsape **Piyekusu 14:6-14** lo tsupuakeuno hipau shelo shi ani, tiye 1844 ghuloki lono itehi tsu akeu kuchou tsape huthuke. Atsape hipau pesu ayeghiqha lo timiqo pelo Jisu ide ighiniye akeu ghenguno kutolu penike kutughutsu (**ajo 14**). Kungumi kuthu tsape pesu ayeghiqha lo timi kumtsu vilo pikuthuve kithishi Jisu akiniu ideighinani. (Hipau ghili akiphi kichekutsu 18 eno 19 lono ithulunani)

Atsape hipauno timiqo pelo xathalupe nani


Elijah no alhokusa kishimiqo vilo khiu qenikeno kishelu eno xathalulo pi pitsu. Titoi ishi ningu lau ghi kungumi kuthu tsape vechewono ningu pelo kishelu penike kutughutsu ani. Kishelu eno xathalumayesa. Kungumi kuthu tsape huno Satan kupughu qhoi lhaphevetsu ani. Atsape hipau no Alhou kikimiye eno Pa yehza Piyekusutsu ani. Alhou no timiqo vilo kuchou kumlla lo xaide ighivelo pi ku ani. Alhou likhi mlla lopi ani. Ishi akhoto do aghuloki hipau ithi pulaghi khiuana huthuue momu thime kutau mlla uve aye tipau huno osasu lhokta kithi lo ilovenani. Elijah ghulokilo Alhou no akichiqhikepu shi timiqo mulo butsu (**1 Kukamiqo 18:37, 38**) eno Johan Baptist ghuloki loghi titoi timiqo mulo pibidetsu. Titoi ashekha tsalaqo loghi timiqono kungumi kuthu tsape khochiletsu nani (**Piyekusu 18:1-4**).

14

Elijah tsape toi kungumi kuthu tsape pesu kutsu kelo kiutoi keu kukumugha leghi tsuniepi kea?

“Elijah no ... apuh lono iqi anuliquo kutolo mulo pekilivetsu” (Malaki 4:5, 6).

Khokichile: Alhou she! Elijah tsape toi kungumi kuthu tsape huno abolomi kumtsu lau kikimiye lono kupunukhoi Luku lono alokivishi kungugha sasu kuposhulupe. Hitoikeu kumughatsuniepi piqhi puanike.



Alhou no tsukeu Elijah tsape huno abolomiqo kumtsu pekumuqo sasu alokivi, kikimiye, eno amulokiqi lo ighinani

15

Gospel ipikeu kiqu ye “sutsakivi” ipi. Piyekusu 14:6-14 lo kungumi kuthu tsape lo sutsa kivi sughilunani keshea?

Khokichile: Iye. Kungumi kuthu tsape lo sutsakivi sughikulupu animono ningu phujuni:

- A.** Timi kumtsu pelo ashekha tsala lo w atsakivi (gospel) vethalukepu shipuatsu ani. Khiu pelomu heche vechevemo nani.
- B.** Satan no pa kukakughushu lono timiqo kutsavenikeu kupughu shieno alichhe shipe qhipuakeu ghili ningu lau piyesutsu ani, tipau lono ningu meluvepe kepukumo.
- C.** Ashekha tsalaqo lo kungugha kukano Alhou tsape pesu pikulhatsu akeu gholo tughami ghi cheghinani.
- D.** Alhou timiqo ye kutuu mayesa. Alhou no panongu vilo akimithemiqo momu puluthomi ipi kuchenani.
- E.** Alhou timiqo ye Jisu kupulu pecheghinani.
- F.** Alhou timiqo ye kikimiye lono Pa zahkutsu gholu cheghinani.
- G.** Alhou no ningu kimiyeye hu hi akhoto tsape pesu ningu tsu akeuye ningu pelo Jisu no ide ighiniye akeu ghenguno kutokithiluve peniyeye.
- H.** Ashekha tsalaqo ghenguno Alhou tsape tsu akeu hipauno abolomi asholokumiye pelo kimiyekile keu lono kuqhaluve anipeke.
- I.** Kungumi kuthu tsape hepho piyesutsu akeu kimiji akhotou ye Jisu Khristo vechewo xakulu pesu timi kumtsu lau tsunike ghengu lonoke. Pano Pa mikucho pesu tsupuzu wovekeu lo ningu xine kipimiqo kumtsu qhikhavetsu eno akichihikepushi Pa mikucho ningu lau kophasutsu puzu ningu pelo tsala pekighi lo Pa kikimiye lo thulupe eno Pa kuxu kimihini lo xulupe. Pa gholo checheaye ninguye khilemu ikiqivemonani Pa sumokeloye ningu likhi ye tomlake.



Atsa alau kutau lakhi

Kungumi kuthu tsape lo akiqi hami akiphi kichekutsu lono hepho piyesutsu akeu:

- A.** Alhou no kughathabenikeu do ighiva
- B.** Babylon qhiveno ipeghivelo
- C.** Tughashi michipu ikhilukevilo

Ighinikeu kiphiqu lono hipaqa ghili philunani Akihini gholono amulokutsu shieno phijulo. Nono hipaqa ghili philukelo oghakiqishinani, eno okichihive nani. Akiqi hami loye amulokusapu ghi shinani Akiqi hamiye ikhilumla eno papemlakeputoikeu ghi shinani. Jisu no kungugha launo ashekha tsape hipau pesu ningu tsu anike. Ninguno phi akeu tsape hipaqa tsaqui akighini gholono philo. Akiphiqu kumtsu lo phi eno vethalukepushi inikhulo.

16

Ishi ayeghi lo xu-lhe ashekha tigheli lo Pa wu timi xu akemiqo kuphu tsu nike ghenguno Jisu no akhoto tsape akiqi kuthu lono tsu akeu ghenguno shikimithi keu pesu tsunishi anima?

Nono khochilenikeu:

Nono Iniju Keu Khochiletsu Ani

1. Jisu ide ighimphi zuuno atsape kuthu pesu ayeghi lo timi luthu lakhi vilo pitsumaye sakeshea? Ishi ayeghi hipau lo timi lhoux kikihi billon kumzapu anike kishieno ti shilunikea?

Khokichile: Alhou no ti shilo ipi ahza tsupuan, tipauye shikupuni putsa (**Mark 16:15**) Paul no pikeu ghi Atsakiviu hipau pa tsala lono kungugha qholo lhoux kumtsu lau kutsupiyeveake ipi (**Kolosiami 1:23**). Alhou kikimiye lono atsala 40 tomphi zuuno Jona no Nineveh phughi lo atsape tsuve (**Jona 3:4-10**). Baibel no pi akeuno "Alhou no akumla hipau shinani, eno ado ghi kughukhovenani" (**Rommi 9:28**). Hipau kihijulo. Hipau shiipeghinanike-paikhavi lono shivenanike.

2. Mathi 17:3 lo naghuto lo Jisu no Pa julho kilive kelo Muse ngo Elijah pama iqighiepike hu tiye atho keo asamo lonokea?

Khokichile: Kiu shi ipeghikeno tiye athoke! Greek tsa lo "horama" - vision-Piyekusu ipi **ajo 9** lo pipuani, eno tipau kigiye "kiu ithuLukno" ipi. Muse ye kithilauno xuchile puthuno sasu ikuve (**Judea 1:9**) eno Elijah ye akithi michepemono sasu ikuve (**2 Kukami 2:1, 11, 12**). Hi pama kinikujo ayeghi lo kuxu lo akijikusashi aghichhe aghime kitikhi pujushijukemi. Satan eno Alhou timi ipi chekemiqono kishi Jisu shikighime nanikeno pama no ithi ani. Tihenguno pama no iqighieno Pa mulo shikumtotsu keuno, thive pinamu Muse toi xuchileluvenani, xu aghie pinamu Elijah toi akithi michemono pekilisasu kungugha lo ikuvenikeu ghili pitsu. Kughengu timi Nu Jisu ye ashi ahji xapu timi tho lo xu anike ghenguno. Jisu no ningu xine xapuluvetsunike ghengu lono Pa kuxu pesu aghashive tsunikeu do hu toveake ghenguno pama ampi no ighieno Pa mulo vepiqitsuke.

3. Jisu no pikeuye Johan ye Elijah ke ipi aye (Mathi 11:10-14) Johan Baptist ye kiu shiye paye Elijah kumoke ipikea? (Johan 1:19-21).

Khokichile: Hipau khokichile ye **Luk 1:3-17** lono ithulu ani. Kungumi no Johan punu nikeu tsape pesu ighieno pikelo, "Onipu Elizabeth no anu lakhi mishi nani, eno nono pa jeh Johan ku tsulo ... Ampeu nhekithe lo paye kije shinani ... Pano Ampeu zulo aghungu lono eno Elijah kuka pesu wunani, eno apuh noqo mulo lono iqi anuliquo mulo kutolo pebidevetsunani, eno agholumo kemiqo mulo pebidepe alokutsu eno amikucho lo suvetsunani, tishieno timiqo pelo Ampeu ghenguno kutoluvepe nani (**ajo 13-17**) Jisu no Johan pesu Elijah kimighitsu keyue pa kuxu, pa ghungu, eno pa kuka ye Elijah kumla toi mlanikeu pike. Kuchou no ishi ashekhau tiqheli hipaulo khaghi Elijah tsape tho tsu ani. Atsape hipau pesu tsu akeyue timi launo kumo. Johan ye aphimphi ye Elijah kumo, ikemu pano Elijah tsape tho tsuke.

4. Timi lakhi ye kungumi kuthu tsape sumo pinamu Jisu w kuchou pesu kutsulumo nanikeshea?

Khokichile: Shimlae. Tilehi kungumi kuthu tsape sukuqha aghimayesa. Piyekusu lono Piyekusutsu akeuno, Jisu no Pakutoshi Pa wu ashekhau tsape hipau pesu piyesu puatsu ani (**Piyekusu 1:1**) eno pi akeuno Pa wu timiqo ye Pano piyesu keu kiu kaku lo tsupuanikeno tipau papemayesa ipi puani (**Piyekusu 1:3; 22:7**). Tihenguno ashekha ghulokilo puluthomiyo ye Ampeu Jisu tsape Piyekusu kaku lo kiu tsupuanikeno tipaqo pesu kutsumayesa eno kuchouno atsape hipauye kungumi kuthu tsape lo akiqi kuthu tsupuakeuke (**Piyekusu 14:6-14**) Hi ithilo: Jisu no atsape hipau pesu ashekha kuhakeu tsakiviu ipi puani-ajo 6 lo. Pano highi pi akeuno atsape hipau pesu Pano ighimphi zuuno ayeghi lo lhoux kumtsu vilo pikuthuve mayesakeu pipuani.



Hile akiqi akhoto kuthu kichetsu ani:

- A.** Khiu khiumu Jisu wu ashekha kuhakeu tsakiviu pesu kutsu anike ipikeulo kungumi kuthu tsape sukuqhamo aye atsape tipau ye kupumovea, tokhoimovea.
- B.** Tsutsala khunoala pa kukutsu lo kungumi kuthu tsape sumove aye pa kukutsu tipauye ashekha kuhakeu tsakiviu kumovea.
- C.** Kughengu kungumi kuthu tsape lono Jisu ide ighinikeu ghenguno kutolu penikeu tsape tsupuanike ghenguno (**Piyekusu 14:12-14**).

Ashekha ghulokiu timiqo ghenguno akhoto tsape

Ninguno kiu avehu shi anikeno ti Jisu no ithi ani. Tighenguno Pano ashekha ghulokiu timiqo ghenguno akhoto tsape pesu ningu tsu ani. Ninguno hipaqo ghili vethaluno papemayesa. Ninguno ighinikeu kiphi kichekutsu tache lono hipau ghili mutsumishei kichetsukeu philunani.

5. Luk 1:17 lo, Elijah tsape no agholumokemiqo mulo pekilipe alokutsu lo eno amikuchu lo suvetsunani ipikeu kiquye kiu kea?

Khokichile: "Amikuchomi ye akupulu lono xu anani" (**Rommi 1:17**) Amikuchomi ye pano lokutsu pano xachilekulu shou bepuacheni, pano Xachilekuluu Ampeu shou bepuacheni. "Kughengu tile xachilekulupu kutami khiu laumu kuha, tilehi kungugha qholo timiqo dolo ningu xakulupu ajeh kutau tsupuamo" (**Apostolmi 4:12**). Johan no Elijah tsape tsukeu lono timi luthu lakhi lau hipau ghili mutsumishei shitsu ani. Akupulu khikhi Jisu shou pukhubemokeu ye timi khiumu axine launo xaphelumonani, eno akuxu pekilikeu lo sasu ighilumonani. Timiqo ye hipau ghili chilu eno vathalumayesa. Kuchou hipau no Alhou no ishi ningu lau Elijah tsape tsu akeu kukutsu mta shi akeu lo sasu ighi anike.

Hilehi okukumsu eno injuakeu pitsilou



15



16



17



18



19



20



21



22



23



24



25



26



27

Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuku pekilivetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiyo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekilivetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsulo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mpho zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

- 1) **Piyekusu 14 lo kungumi kuthu ye (1)**
Atho eno kumtsuno chikulupu sutsa lono pikeuke
Ashekha tsalaqo lo Alhou tsapemi
zuqhukishimiqo ighono akimithe
Timi hamino kumsukuju lono pipe qhikeuke.
- 2) **Hi aqhou tsupuakeqo lo khikhiuno Piyekusu kuchou ghili pitsu anikea? (3)**
Kaku ye khavae
Piyekusu ipikeuye lhapha momu
pephepiyesuvekeu ke
Hipau lono Alhou timiqo no ashekha tsalaqo lo tsape tsu ani
Hipau lo atsa lakhi Jisu jutho (picture)
suqhekeu ani
Hipau phikemi ye Alhou no ghushove cheni
- 3) **Kungumi kuthu tsape ye Jisu ide ighimhpi zuuno timi kumtsu vilo pikuthuvenani (1)**
lye Moe
- 4) **Kungumi atighiu tsape lo tsu akeu (3)**
Ye ashekha kuhakeu tsakiviu pesu tsu ani
Hipau ye vethakulupu lono tsu ani
Evolution-asheshino ilho ipeghikeu ye
Khristomino kumsupe qhikeuke
Hipau lo atsakukugha ye itehi shi ani
Hipaulo ninguye Alhou gihu eno kuchouno Pa pulukepu
Hipaulo luthu lakhiye pano khiu eno kiu pulokeno tipau mlla lunani
- 5) **Kungumi akiniu tsape lono Babylon ye ikiqivae ipi ani, eno Piyekusu 18 lono Babylon lo akemiyo vilo li qhiveno ipeghivelo ipi ani (1)**
lye Moe
- 6) **Kungumi akuthuu tsape lono Alhou no Pa wu timiqo vilo tughashi michipu ikhiluvelo ipi anie (1)**
lye Moe
- 7) **Piyekusu 14:12 lo Alhou timiqo ghili kishi pipuanikea? (2)**
Panongu ye kutuukulumi
Panonguye puluthomi akimithemiqoke
Panongu ye ahzakutsu 10 papechekemiyo ke
Panongu ye akupulu kitila likhi pechekemiyo ke
- 8) **Atsakiviu pesu timi kumtsu vilo pikulha kuthuve kithishi paikhavi kiu shivenanikea? (1)**
Shiyehqo mulo pebidevetsu nani
Alhou no New York eno Jerusalem puthu kitheluve nani
Jisu ide ighinani
- 9) **Hipaqo gholo khikhiuno itehi tsu akeu kuchou shepe kea? (1)**
Jona no Nineve lo tsu akeu shepe
Noah no azukucho ighinikeu shepe tsu akeu
Piyekusu 14: 6-14 lo kungumi kuthu tsape
- 10) **Kungumi kuthu tsape lo khikhiuno kuchou kea? (6)**
Atsape hipaqo ye itehi pesu kutsu ani
Atsape hipaqo lo xachilekulu ye Jisu Khristo vechewono ithulunani ipikeu kuthsukime ani
Hipaqo pesu Elijah tsape ipi ku cheni
Panongu kuphunike ghenguno Elijah ampi ighinani
Hipau lono Khristomi no asheshino kili ipeghiluvekeu pi ani
Timi akichiuno panongu tsa initsumove nani

Hipau lono abolomiqo pekutsuluveno
kikimiye lono kumtsa kuposhunani
Thosulo ipeghi chemokeu kuka huno
panongu sasū mlanani
Panonguno timiqo pelo Jisu ide ighiniye akeu
ghenguno kutolu penike kuphutsunani

11) Johan Baptist pesu pa ghulokilo Elijah ke ipi kuche, kughengu (1)

Pano kungugha lono ami kusaiqighi nishiveke
ghengu
Achime timi ye ajeh tipau lunishi cheni
Pa kukutsu lo Elijah ghungu eno kuka lono
timiqo pelo Jisu atighiu ighi akeu ghenguno
kutolupenikeu ghili kutsuke ghenguno

(12) Atsakiviu (gospel) ipikeu kiqi ye sutsakivi ipi (1)

Iye Moe

13) Jisu no piqhi puakeuno, ashekha tsalaqo lo abolomiqo pukuqhape kikimiye lono kuqhakulu lo saighivenani ipi. Noye no kibolo kuqhakulu tipau lo ilonishi anima?

Iye Moe

14) Tiqheli shekha kutolo ghenguno Jisu no akhoto tsape Pa wu timiqo laghi kichetsu akeu ghenguno noye shikimithikeu pesu Pa tsunishi anima?

Iye Moe

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>		
Owu Email :	<input type="text"/>		
Thepiu kikihi :	<input type="text"/>		
Okungo-a :	<input type="text"/>		
Aphugui, District :	State :	Aghaqhu :	<input type="text"/>
Pin :	Apunu mpe amqo:	Gender :	<input type="text"/>

Anile shi no kusutsa nikeu tipau tsulou